


泉州府志

第二册

卷之一至

卷之六



泉州府志

卷之六
藝文志
六



泉州府志卷之一

周德均書
施高爵刻

星野

閩地僻在荒服星野之說前史皆畧而弗講唯史記
天官書載諸占驗謂越之亡癸咸守斗是時閩越徙
民江淮唐書天文志載景福元年有星孛于斗牛占
曰越有自立者是時王潮起于泉中斗牛皆爲星紀
則以星紀爲占驗顯而有徵矣歷代以來聚訟紛紛
大約不離乎星紀近是至有一二獨闢之論衆所不
同而或正或訛終莫有能辨者蓋以保章之書失傳

也久矣博採天官以星紀爲正其他別說亦稍附存
占天式序之君子或于此可考焉作星野志

星紀之說

周禮保章氏以星土辨九州之地所封之域皆有分星以

觀妖祥注星紀吳越之分野

按此言星紀而未疏明何星爾雅乃言二星後漢郡

國志乃言三星

史記正義南斗牽牛女爲揚州

後漢郡國志註引帝王世紀曰自斗十一度至婺女七度

一名須女曰星紀之次于辰在丑謂之赤奮若干律爲

黃鐘斗建在子吳越之分野

晉書天文志自南斗十二度至須女七度爲星紀于辰在

丑吳越分野屬揚州

賈直說周易起斗十度至女五度
蔡邕月令章句起斗六度至女二

度

隋書天文志牛宿下三星主南越地理志自斗十一度至

須女七度爲星紀吳越得其分野

星經南斗牽牛吳越之分野揚州又曰牽牛六星次一二

星主南越明則王道昌又曰女前十二星近九坎東主

十二國鄭北一星曰越

以上五條皆
兼斗牛女

爾雅星紀斗牽牛也郭注牽牛斗者日月五星之所終始
故謂之星紀邢疏星紀吳越也

淮南星部名斗牽牛越須女吳

宋書天文志斗牛吳越分

唐書天文志星紀得雲漢下流百川歸焉故其分野自南
河下流窮南紀之曲東南負海爲星紀又云南斗牽牛
星紀也南涉越門踰嶺表及東南百越之國又云南斗
爲吳分牽牛去南河浸遠自豫章迄會稽南踰嶺徼爲

越分地理志福建泉汀漳爲星紀分

以上四條
皆兼斗牛

漢書天文志斗江湖牽牛婺女揚州

杜佑通典揚州管斗吳之分野兼得楚及南越之交牽牛
婺女越之分野

宋史天文志牛宿下三星主南越又云須女占越分

明史天文志福建布政司所屬皆牛女分一統志泉州古
揚州牛女分野

國朝星紀宮交度西法赤道自箕三度七分至斗

丁四

度二十分黃道自箕四度一十七分至牛一度五分泉

州府屬晉江南安惠安同安分野隸牛五度七分之三

安溪隸女六度五分之六

以上四條皆兼牛女

元史天文志斗四度三十六分六十六秒外入吳越星紀之次揚州之分

蜩天儒業分野經絡福建泉州府屬之晉江南安惠安與江西大庾南康上猶崇義同在斗三度安溪同安與福州之閩縣候官古田閩清長樂連江羅源永福福清同在斗四度

天文志東井至南南至牽牛之尾故有遠近之說太少之分福建泉州府東南盡于海西至長泰北連仙遊五縣

當斗二十度

以上三條皆專屬斗

春秋緯元命苞牽牛流爲揚州分爲越國

後漢天文志牽牛主吳越

魏陳卓云會稽入牛一度

吳虞翻云會稽上應牽牛之宿下當少陽之位

福建通志魏太史令陳卓言會稽入牛一度蓋牛跨浙粵

閩三省閩八郡東西南北所居距會稽不上數百里實

在分度一千四百十六里內則八閩咸隸牛一也

按通志本

鄭宗疆星經周天之數每星一度當地一千四百里有奇然考之皇王世紀在天一度實當地二千九百三十

二星與此說不同○
以上五條皆專屬半

唐王希明步天歌女先從越國向東論此條專屬女

附別說

宋兩朝天文志天市垣二十二星東西列各十一星其東

垣南第二星曰南海第六星曰吳越此條主天市垣之說

春秋緯文耀鉤徐揚之州屬權星

星經玉衡第六星主楊州常以五巳之曰候之

唐書天文志杓以治外故鶉尾爲南方負海之國魁以治

內故陬訾爲中州四戰之國

通鑑地理通釋徐揚主權

以上四條主北斗之說

魏孟康云秦階三台也下一台屬荆揚荆揚越也

宋天文志三台六星兩兩而居其西近文昌二星曰上台

為司命下台主荆揚

以上二條主三台之說

通鑑地理通釋熒惑主楚越

晉書天文志熒惑曰南方夏火禮也視也主楚吳越以南

天文書熒惑主楚越丙主楚戊主吳越

以上三條主熒惑之說

唐賈公彥云古者受封之月歲星所在之辰其國屬焉

此即

歲星主祀之說也據此漢高封無諸為閩越王歲星析木之津尾箕之分則越分野又為尾箕

按諸家之說其爲別說無論矣卽星紀一宮或言斗牛
女或言斗牛或言牛女或專言斗言牛言女既有不同
而統言吳越言揚州言會稽其爲吾泉分宿分度之處
皆不可得而詳也夫有形於地卽有氣於天謂泉之山
川不屬於星辰不得也同在星紀之內而欲以一郡之
微統附於數千里之廣以爲占驗亦不得也唐書天文
志始言汀泉漳三郡分星然亦不過曰星紀而已其爲
星紀之何星何度究不可知至明利瑪竇交度西法及
朔天儒業天文志乃以泉郡及所屬諸縣指出星度見

之古說較爲精密然考周漢以來二十八宿過宮度分
皆自斗十一度至女七度爲丑宮星紀而西法星紀宮
赤道則自箕三度七分至斗二十四度二十分黃道則
自箕四度一十七分至牛一度五分箕自寅而進居丑
牛女自丑而進居子蓋古者宮有定宿宿有常宮卽唐
歷始用歲差之法亦星自爲星歲自爲歲西法以中氣
過宮故日躔冬至卽爲星紀是恒星有歲進之差而宮
無定宿宿可以遞居其宮其法大與古殊矣西法之言
曰古今經緯不同黃赤俱差甚至前後易次者有之又

其所指古有今無之星斗宿鼈十四今十三天籥農丈
人俱無牛宿羅偃三今二天田九星俱無女宿趙周秦
代各二星今各一扶匡七星今四離珠五星今俱無是
星辰之隱見不常則古之分星屬彼者今或屬此度舍
之盈虧推算之得失自非甘石孰能知其故者是故執
古法以測今星固見其惑而以旋轉之天律一定之地
卽西法亦自謂分野之說不甚足據也總之天道幽渺
自古難知姑存衆說以俟高明君子採覽焉

附北極出地偏度

國朝皇輿全覽圖以地平當極度度方當地二百五十里
率以極爲準立界線以實測其直者以定東西正中爲
南南中之東二線曰東一度四線曰東二度泉州府治
當極東二度半胸南安附焉東屬曰惠安當極東二度
半羸盡大定海嶼爲東三度西曰安溪當極東二度胸
又西曰同安當極東一度半羸盡下地爲一度半徐州
隘爲一度半胸澎湖並大定之度金廈兩島並同安之
度其橫者以定南北據極星出地高下以辨遠近起于
瓊崖黎山南麓北極出地十八度以次而上泉州府治

北極出地二十五度南惠如之安溪則北于南安北極
出地二十五度半其南爲同安北極出地二十四度半
金廈兩島並焉又渡海而南曰澎湖北極出地二十四
度羸盡南至二十三度半則越海矣按明史及大清
會典福建省北極
出地二十六度
與此微有不同

大清會典福建北極偏東二度五十九分偏東一度節氣
遲時之四分

泉州府志卷之二

氣候

致治之道勤民爲先勤民之事測候爲急月令所紀
順時應物較然可稽然氣候布於天而實因乎地周
禮職方辨地之高下燥濕以播六穀之宜於是作訛
成易依其序而不紊封圻攸分氣亦隨之泉爲南方
海國禾稻兩收霜雪罕覩大都寒少而燠多乃均茲
一郡而風雨之應咫尺難同田野閒每卽其方隅以
自爲占驗而應各不爽唯在爲政者順五邑之氣而